

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22), u konkurentskom postupku nabavke radova s namjerom provođenja e-aukcije – Radovi - Hitne intervencije na putevima, grad Bosanska Krupa, na prijedlog Komisije za provođenje postupka javne nabavke, Gradonačelnik grada Bosanska Krupa, kao rukovodilac organa uprave donosi:

ODLUKU
o izboru najpovoljnijeg ponuđača

1. Prihvata se ponuda ponuđača **d.o.o. „I-KOMIĆ“ Bos.Krupa**, u predmetu nabavke radova: **Radovi - Hitne intervencije na putevima, grad Bosanska Krupa, sa cijenom u ukupnom iznosu 8.505,00 KM bez PDV-a, odnosno 9.950,85 KM sa PDV-om.**
2. Izabrani ponuđač se obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka c) i d) Zakona o javnim nabavkama.
3. Po konačnosti ove odluke sa izabranim ponuđačem potpisat će se ugovor o izvođenju radova Hitne intervencije na putevima, grad Bosanska Krupa.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 07-11-5-3152/23 od 19.4.2023. godine. Javna nabavka je provedena putem otvorenog postupka s namjerom provođenja e-aukcije– Hitne intervencije na putevima, grad Bosanska Krupa. Obavještenje o nabavci broj: 1272-7-3-46-3-41/23 od 19.4.2023. godine - objavljeno na portalu JN (TD preuzelo ukupno 9 ponuđača) i objavljeno u Službenom glasniku broj: 30/23 dana 28.4.2023. godine

Po objavljenom obavještenju rok za prijem ponuda je bio 04.05.2023. godine do 13:00 sati. Do označenog roka za prijem ponuda na protokol Ugovornog organa pristiglo je ukupno 2 (dvije) ponude, a što je vidljivo iz tabelarnog pregleda dostavljenog od strane službenice koja radi na protokolu ugovornog organa i to ponuda:

1. **d.o.o. „EURO COP INVEST“, Bosanska Krupa**, zaprimljena pod brojem protokola: 07-11-5-3152-2/23 dana 3.5.2023. godina u 9:52 sati;
2. **d.o.o. „I-KOMIĆ“ Bosanska Krupa**, zaprimljena pod brojem protokola: 07-11-5-3152-3/22 dana 4.5.2023. godina u 9:31 sati.

Komisija za provođenje postupka javne nabavke je u skladu sa tenderskom dokumentacijom dana 04.05.2023. godine u 13,30 sati izvršila javno otvaranje ponuda i na zapisnik konstatovala:

1. **Ponuđač d.o.o. „EURO COP INVEST“, Bosanska Krupa**, dostavljena ponuda uredno zapakovana i bez vidnih oštećenja, ponudio je:
cijena ponude: **8.545,00 KM bez PDV,**
PDV **1.452,65 KM**
ukupna cijena ponude: **9.997,65 KM sa PDV- om,**

Nema popusta

- 2. Ponuđač d.o.o. „I-KOMIĆ“ Bosanska Krupa**, dostavljena ponuda uredno zapakovana i bez vidnih oštećenja, ponudio je:
- | | |
|-----------------------|--------------------------------|
| cijena ponude: | 8.505,00 KM bez PDV, |
| PDV | 1.445,85 KM |
| ukupna cijena ponude: | 9.950,85 KM sa PDV- om, |
- Nema popusta

Komisija za provođenje postupka javne nabavke je izvršila evaluaciju dostavljenih ponuda i konstatovala je da su ponude ponuđača „I-KOMIĆ“ d.o.o Bosanska Krupa i „EURO COP INVEST“ d.o.o Bosanska Krupa potpune, ispravne u formalno-pravnom smislu (ponuđači su dostavili ponude u skladu sa tenderskom dokumentacijom, ispunili uslove za učešće, dostavili potrebne dokaze i ponudu izradili u skladu sa TD), te da je cijena ponude u okviru procijenjene vrijednosti predmetne nabavke. Konstatuje se da je procijenjena vrijednost predmetne nabavke 8.547,00 KM bez PDV-a, odnosno 9.999,99 KM sa PDV-om.

Komisija je pristupila i računskoj provjeri ponuda pa je utvrđeno da je ponuda ponuđača d.o.o. „I-KOMIĆ“ Bosanska Krupa računski tačna, dok je u ponudi ponuđača d.o.o. „EURO COP INVEST“, Bosanska Krupa uočena računska greška.

S obzirom na navedeno Komisija je predložila ugovornom organu da ponuđaču d.o.o. „EURO COP INVEST“ Bosanska Krupa uputi zahtjev za prihvatanje ispravke računске greške u smislu člana 17. stav (5) Uputstva za pripremu modela tenderske dokumentacije i ponuda („Službeni glasnik BiH“, broj: 90/14). Ugovorni organ je uputio ponuđaču d.o.o. „EURO COP INVEST“, Bosanska Krupa zahtjev za prihvatjanje/ispravljanje računске greške broj; 07-11-5-3152/23 od 5.5.2023. godine.

Komisija konstatuje da je ponuđač d.o.o. „EURO COP INVEST“, Bosanska Krupa putem e-maila dana 5.5.2023. godine u 12:22 sati dostavio saglasnost da prihvata ispravku računске greške. Komisija je predložila ugovornom organu da zakaže e-aukciju s kvalifikovanim ponuđačima i to „I-KOMIĆ“ d.o.o Bosanska Krupa i „EURO COP INVEST“ d.o.o Bosanska Krupa u skladu sa Pravilnikom o uslovima i načinu korištenja e-aukcije („Službeni glasnik BiH” broj 66/16 od 06.09.2016 godine).

Provođenje e-aukcije je zakazano za dan 11.05.2023. godine u 14:00 h i ista je trajala od 14:00 h do 14:10 h. Na osnovu izvještaja o toku i završetku e-aukcije utvrđeno je da je konačna rang lista ponuđača sljedeća:

- Rang 1. d.o.o. „I-KOMIĆ“ Bosanska Krupa**, konačna cijena ponude iznosi **8.505,00 KM bez PDV-a**, pa ukupna cijena ponude iznosi **9.950,85 KM sa PDV-om**, (početna cijena ponude umanjena za 0%);
- Rang 2. d.o.o. „EURO COP INVEST“, Bosanska Krupa**, konačna cijena ponude iznosi **8.545,00 KM bez PDV-a**, pa ukupna cijena ponude iznosi **9.997,65 KM sa PDV-om**, (početna cijena ponude umanjena za 0%);

Nakon uspješno završene e-aukcije sa kvalifikovanim ponuđačima, a s obzirom da je kriterij za dodjelu Ugovora „najniža cijena tehnički zadovoljavajuće ponude“, da je cijena prvorangirane ponude u okviru procijenjene vrijednosti predmetne nabavke, Komisija za provođenje postupka javne nabavke je predložila Ugovornom organu da donese Odluku o izboru najpovoljnijeg ponuđača, i to prvorangiranog ponuđača d.o.o. „I-KOMIĆ“ Bosanska Krupa i zaključi Ugovor.

S obzirom da je kriterij za dodjelu ugovora „najniža cijena tehnički zadovoljavajuće ponude, “ i da je ponuda ponuđača d.o.o. „ I-KOMIĆ“ Bos.Krupa prvorangirana i da je u okviru procijenjene vrijednosti predmetne nabavke, Ugovorni organ je prihvatio prijedlog Komisije i odlučio kao u dispozitivu odluke

Pouka o pravnom lijeku

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrađivač:

Selma Bužimkić, dipl. pravnik

GRADONAČELNIK

Armin Halitović

Dostavljeno:

1. d.o.o. „I-KOMIĆ“ Bosanska Krupa, putem e-maila
2. d.o.o. „EURO COP INVEST“ Bos. Krupa, putem e-maila
3. U spis
4. a/a